

PËR NDRYSHIMIN DHE PLOTËSIMIN E LIGJIT NR 02/L-133 PËR PARANDALIMIN E KONFLIKTIT TË INTERESIT NË USHTRIMIN E FUNKSIONIT PUBLIK

Kuvendi i Republikës së Kosovës;

Ne mbështetje të nenit 65.1 të Kushtetutës së Republikës së Kosovës,

Miraton

LIGJ PËR NDRYSHIMIN DHE PLOTËSIMIN E LIGJIT NR 02/L-133 PËR PARANDALIMIN E KONFLIKTIT TË INTERESIT NË USHTRIMIN E FUNKSIONIT PUBLIK

Neni 1

Neni 4 i Ligjit ndryshohet dhe plotësohet me përkufizimet si në vijim:

“Personi i afërt me zyrtarin” është bashkëshorti ose personi që bashkëjeton me zyrtarin, të afërmit në vijë të drejtë të gjakut pa kufizime, adoptuesi, i adoptuari, të afërmit në vijë të tërthortë deri në shkallë të katërt, në gjini krushqisë deri në shkallën e dytë.

“Person i besueshëm” person që ka ose ka pasur marrëdhënie pasurore ose biznesi me zyrtarin.

Fjala **“Agjencion”** në tërë tekstin e ligjit ndryshohet me fjalën “Agjencia” që nënkupton Agjencinë Kundër Korrupsionit.

Neni 2

1. Neni 5 pika (xv) e Ligjit, ndryshohet dhe plotësohet si në vijim:

Fjala “Kryeshefi ekzekutiv” ndryshohet me fjalën “Drejtori i administratës dhe personelit”.

2. Neni 5 pika (xvii) e Ligjit, plotësohet me fjalën “Guvernatori i Bankës Qendrore dhe zëvendësit e tij”, ndërsa ky nen plotësohet me këto pika të reja si në vijim:

xxi. Komandanti i Forcës së Sigurisë të Kosovës, Drejtori i Agjencisë Kosovare të Inteligjence, Drejtori i përgjithshëm i Policisë së Kosovës dhe zëvendësit e tyre si dhe të gjithë vartësit e tyre të cilët kanë rol vendimmarrës në funksione publike të strukturave të rendit dhe sigurisë;

xxii. Drejtori i Administratës Tatimore të Kosovës, Drejtori i Doganave dhe vartësit e tyre që kanë rol vendimmarrës;

xxiii. Udhëheqësit e Komisioni Rregullativ të Prokurimit Publik dhe Organit Shqyrtues të Prokurimit Publik;

xxiv. Udhëheqësi i Agjencionit Kosovar të Privatizimit;

xxv. Të gjithë anëtarët e bordeve të emëruara nga Kuvendi, Qeveria dhe Komunitat;

xxvi. Të gjithë ushtruesit e funksioneve publike që kanë rol vendimmarrës dhe nuk janë të cekur në këtë nen.

Neni 3

Neni 6 i Ligjit fshihet.

Neni 4

Neni 8 paragrafi 1 i Ligjit fshihet.

Neni 5

Neni 10 i Ligjit ndryshohet dhe plotësohet si në vijim:

10.1. Personi zyrtar nuk duhet të ushtrojë funksione administrative, mbikëqyrëse, apo përfaqësimi në shoqëritë tregtare, firma, institucione, kooperativa, fonde apo agjencione.

10.2. Përfundimisht nga paragrafi 1 i këtij neni, personi zyrtar mund si përfaqësues i institucionit të tij të jetë anëtar bordi i një institucioni apo agjensioni publik, apo anëtar i bordit mbikëqyrës të një ndërmarrjeje publike, fondi publik apo shoqërie komerciale ku autoriteti qendror apo lokal është mbajtësi i aksioneve apo i të drejtave të tjera në bazë të të cilave merr pjesë në menaxhim apo kapital.

Neni 6

1. Neni 17 paragrafi 1 i Ligjit ndryshohet dhe plotësohet si në vijim: fjalia “person tjetër (në tekstin në vijim person i besuar), por jo në personat nga neni 6 i këtij ligji” fshihet dhe plotësohet me fjalinë “person i besuar, por jo në personat e afërt me zyrtarin”.

2. Neni, 17, paragrafi 3, fshihet.

3. Në nenin 17, paragrafët 7, 8, 9, 10 , zëvendësohen me nen të ri, si në vijim:

Neni 17 A

Mos pajtueshmëria me ushtrimin e funksionit publik

17 A.1 Zyrtari nuk mund të jetë menaxher apo anëtar i ndonjë organi menaxhues a kontrollues i ndërmarrjes private.

17 A.2 Përfundimisht zyrtari mund të jetë anëtar i organit drejtues të ndërmarrjes në pronësi publike apo shoqërisë aksionare me pronë publike, mirëpo pa të drejt kompensimi apo pranimit të dhuratës përveç të drejtës në kompensimin e shpenzimeve të udhëtimit dhe shpenzimeve tjera të nevojshme.

17 A.3 Zyrtari ka të drejt të jetë anëtar i organeve drejtuese dhe mbikëqyrëse i personave të tjerë juridik jofitimprurës dhe personave juridik tjerë, të cilat kryejnë punë shkencore, humanitare, kulturore, sportive dhe veprimtari të ngjashme, por pa të drejt pranimit të kompensimit dhe të dhuratave në atë cilësi, përveç të drejtës në kompensim të shpenzimeve të udhëtimit dhe shpenzimeve tjera të nevojshme.

17A.4 Zyrtari i cili ushtron veprimtari të pavarur, ndërmarrje apo veprimtari tjetër fitimprurëse, është i detyruar të veproj në pajtim me nenin 15 të Ligjit.

17A.5 Ndërmarrja në pronësi të zyrtarit, të personit të afërm ose të personit të besuar, nuk ka të drejtë të lidhë kontratë ose të përfitojë ndihmë nga institucionet qendrore ose lokale, në të cilat zyrtari është në pozitë vendimmarrëse.

Neni 7

1. Neni 20 paragrafi 3 i Ligjit ndryshohet dhe plotësohet si në vijim:

20.3 Agjencia e informon zyrtarin për fillimin e procedurës dhe me kërkesën e tij e njofton me faktet që posedon Agjencia.

2. Në nenin 20 paragrafët 7, 8 dhe 9 i Ligjit fshihen.

Neni 8

Neni 21 i Ligjit ndryshohet dhe plotësohet si në vijim:

21.1 Nëse zyrtari bie në kundërshtim me nenin 11 të ligjit, atëherë zyrtari ndëshkohet sipas legjislacionit në fuqi.

21.2. Kur zyrtari bie në kundërshtim me nenin 8 të ligjit dhe pasoja e veprimit të tij ka ndodhur, Agjencia kërkon nga Institucioni në të cilin zyrtari ushtron veprimtarinë e tij që ndaj zyrtarit të fillojë procedura e shkarkimit.

21.3. Nëse shkelja nga paragrafi 2 i këtij neni ka dëmtuar interesin publik, atëherë Agjencia lajmëron rastin tek organet e ndjekjes.

21.4 Nëse pas zgjedhjes, emërimit, ose konfirmimit të mandatit, personi zyrtar vazhdon të kryejë një aktivitet apo funksion që ky ligj e përcakton si të papajtueshëm me funksionin e ri, Agjencia e paralajmëron personin zyrtar dhe vendos një afat sipas të cilit atij do t'i kërkohej të ndërprej aktivitetin apo të heqë dorë nga posti. Afati i caktuar nga Agjencia nuk mund të jetë më i shkurtër se 1 pesëmbëdhjetë (15) ditë apo më i gjatë se tre (3) muaj.

21.5. Në rast se personi zyrtar i referuar në paragrafin paraprak vazhdon të kryejë aktivitete apo funksione të papajtueshme, pavarësisht nga paralajmërimi i Agjencisë, atëherë Agjencia i propozon institucionit ku zyrtari ushtron funksionin që të nis procedurën për shkarkimin e tij.

21.6. Organi kompetent ku personi zyrtar vazhdon të kryejë një aktivitet ose funksion të papajtueshëm me ligjin, fillon procedurën për shkarkim nga funksioni sipas propozimit të Agjencisë. Në rastet kur deputeti i Kuvendit ushtron aktivitet të papajtueshëm me ligjin për parandalimin e konfliktit të interesit në ushtrimin e funksionit publik, agjencia e njofton kryetarin e Kuvendit për veprimin e deputetit. Kryetari i Kuvendit pas njoftimit nga agjencia menjëherë merr masa dhe ia tërheq vërejtjen deputetit që ta ndërprej aktivitetin e papajtueshëm me ligjin. Lidhur me veprimet e ndërmarra sipas propozimit të agjencisë, institucionet kompetente menjëherë duhet ta njoftojnë agjencinë

Neni 9

Neni 23 i Ligjit fshihet.

Neni 10

Ky ligji hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji Nr. 03/ L-155
19 nëntor 2009

**Shpallur me dekretin Nr. DL-031-2009, datë 10.12.2009 nga Presidenti i Republikës së Kosovës,
Dr. Fatmir Sejdiu.**